

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.7 Ng.2 Liggaueq ietceih nienz ndwenloeg cobet Geizsoq: Gungh daih 3675 geiz

Siz Ginbingz: Caen Hen Ndei Minzcuz Doxgiet Caux Ndwenngoenz Lai Gyaeundeidei Vuenyungz

Sinhvazse Baekging 6 nyied 29 hauh dien
Mboengqneix, Cunghgung Cunghyangh cungjsuhgi, Guekgya cujsiz, Cunghyangh Ginhvej cujsiz Siz Ginbingz hoiz saenq hawj gyoengq vunzmbanj Sihcang Linzcih Si Bahyiz Gih Linzcih Cin Gazlah Cunh, caensim deqmuengh gyoengqde.

Siz Ginbingz youq ndaw saenq hoiz naeuz, yawj raen fak saenq daeuj, naemj daengz 4 bi gaxgonq bae Gazlah Cunh, aenmbanj seuqcengh gyaeuget, vunzmbanj simndei lauxsaed, gou roxnyinh ndei lai. Rox geij bi neix ndaw mbanj bienq yiengh moq, gyoengq beixnuengx lai miz ngaenz lo, lawh gyoengqsou vuenheij.

Siz Ginbingz daegbied gangj daengz, daihgya youq ndaw saenq naeuz ndaej deng, yawj Bwzdoujsingh byaij mbouj loeng roen, riengz Gungcanjdangj byaij ndaej vuenyungz. Maqmuengh gyoengqsou miz gij cwngcwz ndei hwng bien fouq minz Dangj dazyinx, caen hen ndei minzcuz doxgiet, caux ndwenngoenz lai gyaeundeidei vuenyungz, baujhoh ndei gij gingj gyaeundeidei diegsang dieгнае, cat gaij binjbaiz “mbanj vadauz” lai rongh, coengh rengz hung hwnqguh henzguck guekcoj hoenghvuengh maenhdwd.

2021 nienz 7 nyied, Siz Ginbingz cungjsuhgi youq mwh gaujcaz Sihcang bae Gazlah Cunh

yawjngonz camnai vunzlai gvaq. Gazlah Cunh aenvih vadauz doengh cix okmingz. Ciuq Siz Ginbingz cungjsuhgi son naeuz, aen mbanj neix geij bi neix baeyouz lajmbanj, guh hung cizdij ginghci, coihaeuj minzcuz doxgiet doengh gij saeh neix aeundaidei cingzci moq, ndaej “daengx guek minzcuz goxgiet baenaj mozfan cizdij” daengj mingzdaeuz. Bineix dwg Sihcang Swcigih laebbaenz 60 hopbi, gyoengq vunzmbanj Gazlah Cunh mboengqneix raiz saenq hawj Siz Ginbingz cungjsuhgi, lwnh ndaw mbanj bienq ndaej baenzlawz yiengh, naeuz yaek laemxsim gyo’mbaiq haenqrengz baenaj, caux ndwenngoenz lai gyaeundeidei.

Yungzsuij: Dangjyenz Geq Bak Bi Hwnj Dangjgo

6 nyied 28 hauh, Yungzsuij Myauzcuz Swciyen Dangjvej Cujcizbu guh yienghsaeh dingq dangjyenz geq bak bi hwnj dangjgo, cib lai boux dangjyenz bouxcoz bae daengz ranz dangjyenz geq bak bi Lij Bingjhoz, bang bouxlaux guh hongranz, dingq bouxlaux hwnj dangjgo, angqcoux Cungguck Gungcanjdangj laebbaenz 104 hopbi. Ndaw doz dwg bouxlaux cingq hwnj dangjgo.

(Lungz Linzci Yangz Baujanh)



Gvangjsih Dungjcouz 20.8 Ik Maenz Hawj Gauhyau Bizyezswnggh Miz Hong Guh

Gicej mboengqneix cam Swcigih Caizcwngdingh rox, vih fugsah daihbuenz guhhong caeueq daengx buenz ginghci sevei hwngfat, 2025 nienz gih raeuz dungjcouz cunghyangh, swcigih gak hangh ngaenzcienz 20.8 ik maenz, haenqrengz baujcaz gauhyau bizyezswnggh miz hong guh.

Ciuq Swcigih Caizcwngdingh Gyaugohvwnzcu mizgven bouxfucwz lwnh, gih raeuz dingjmaenh cwngfuj caeueq hawciengz caez okrengz, gya’gvangq gak giz, gak loh aeu vunz guh hong. It fuengmienh, yungh ndei hawciengz gietdingh yungh vunz, anbaiz 1 ik maenz haeujcoengh doengh aen giyez iq sou vunz bae guhhong, 1-5 nyied, gyoeksuenq fat saetnieb baujjiemj baez dog gyalai gangjvei boujdiep 1600 fanh maenz, bangrengz sou gauhyau bizyezswnggh daengj bouxcoz guhhong 1.05 fanh boux; lingh fuengmienh, gyaak dazyinx bae gihcwngz guhhong, anbaiz 11.49 ik maenz haeujcoengh

“dwzgangj lauxsae” “baihsae dajveh” “sam coengh it fuz” doengh gij hanghmoeg fugsah gihcwngz neix, doihaeuj gij dajveh gungganq “deihfueng swfhanswnggh goenggya ok cienz” “lajmbanj dinghdan dinghyiengq hagseng guh canghyw mienx cienz”, saedhengz aen cwngcwz gauhyau bizyezswnggh gaiqneix bae gihcwngz guhhong bouj cienzhag.

Doiq gauhyau bizyezswnggh mwh ngamq cauhnib rahong, ngaizcienz caizcwng daj cauhnib caeueq rahong song dieg okrengz. Haeujcoengh cauhnib, anbaiz 1.24 ik maenz gunghawj danbauj ciqngaenz boujsik hawj gauhyau bizyezswnggh doengh gij vunz daegbied cauhnib neix, 1-5 nyied gaenq fat cauhnib danbauj ciqngaenz ca mbouj lai 4000 fanh maenz; anbaiz 1910 fanh maenz fat boujdiep bangfuz hawj 18 aen giyez cauhnib gauhyau bizyezswnggh. Haeujcoengh rahong, anbaiz

rahong cauhnib boujdiep 2 ik maenz, guj haeujcoengh mauhgvaq 12 fanh gauhyau bizyezswnggh rahong cauhnib; dajveh anbaiz 3 ik maenz, doeksaed gij cwngcwz guekgya banghag ciqngaenz mienx sik caeueq bonjcienz doilaeng boiz.

Vih coihaeuj gauhyau bizyezswnggh guhhong lai ndei, gih raeuz lij haeujcoengh son dinfwngz, cizeyz gyauyuz, fugsah dazyinx guhhong sam fuengmienh neix. 1-5 nyied, gyoeksuenq coh gauhyau bizyezswnggh guh son dinfwngz miz boujdiep 3400 vunzbaez; doiq mbanj hangzyez ra mbouj ndaej vunz, buedcienz 1.68 ik maenz doihaeuj cizeyz gyauyuz canjyez caeueq gyauyuz yungzhab, hawj vunz caeueq gangjvei doxngamj; anbaiz 750 fanh maenz haeujcoengh dazyinx guhhong, hoih sueng leh doengh gij saeh neix. (daj 《Gvangjsih Yizbau》 aeu daeuj hoiz Huz Daiveij)